



Broj: 01/1-02-437/18
Breza, 28.03.2018.godine

ZAPISNIK

Sa PETNAESTEREDOVNE SJEDNICE Općinskog vijeća održane dana 27.02.2018. godine sa početkom u 16,30sati u prostorijama Općine Breza-Sala Općinskog vijeća.

Sjednicom je predsjedavao predsjedavajući Općinskog vijeća Jusić Vedad.

Po izvršenoj prozivci konstatovano je da sjednici Općinskog vijeća prisustvuje 19 vijećnika.

Opravdano odsutan vijećnik Jusić Nusret, vijećnik Zaimović Anes nije najavio svoj izostanak.

Osim vijećnika sjednici Općinskog vijeća su prisustvovali: Općinski načelnik Munib Zaimović, pomoćnici Općinskog načelnika: Smajila Omerhodžić, Salih Hasanspahić, Herco Huso, općinski pravobranilac Dženana Telalović, članovi Odbora za provedbu Etičkog kodeksa, direktori i predsjednici upravnih odbora javnih ustanova, direktor i poslanik u skupštini ZDK Ćamil Zaimović, predstavnici i članovi političkih stranaka i predstavnici medija.

Predsjedavajući Općinskog vijeća Jusić Vedad upoznao je vijećnike da su održana dva sastanka predsjednika klubova parlamentarnih stranaka, te da se Zapisnicinalaze u materijalima, kao i mišljenja Komisije za Statut i propise.

Potom se prešlo na razmatranje Zapisnika sa 14. redovne sjednice Općinskog vijeća Breza.

Primjedbi na zapisnik nije bilo te je konstatovano da je isti usvojen jednoglasno sa 19 glasova ZA, bez protiv i suzdržanih glasova.

Radu vijeća se pridružio vijećnik Zaimović Anes i predstavnik OSCE misije Daut Bajramović.

Zatim se prešlo na odgovore na vijećnička pitanja.

Vijećnik Avdić Edin prokomentarisao je odgovorna vijećničko pitanje JU Centar za socijalni rad Breza dostavljen od strane direktora i predsjednika UO. Odgovor se bazira na činjenicama i pretpostavkama koje će se tek desiti u budućnosti i na Zakonu koji se tek planira donijeti, a ne stvarnim činjenicama i stanju u javnoj ustanovi. Pravilnik o sistematizaciji radnih mjesta također ne pokazuje pravo stanje i potrebe ove ustanove. Ima višak zaposlenika čija stručna sprema ne odgovara potrebama, a nedostaje stručni kadar koji je potreban da osigura uslove zanesmetano djelovanje i obavljanje osnovnih funkcija JU Centara za socijalni rad.

Vijećnik Bajrić Fetah istakao je da ni ovaj put nije dobio odgovor na ranije postavljeno vijećničko pitanje koje se odnosi na pokretanje odgovornosti po dostavljanju negativnog revizorskog izvješta, a također ni Stručna služba Općinskog vijeća nije dostavila informaciju na kojim sjednicama je postavljao i tražio da mu se dostavi odgovor na vijećničko pitanje koje se odnosi na negativan revizorski izvještaj, kako bi pokrenuo proceduru kod nadležnih organa nedostavljanje odgovora na postavljena vijećnička pitanja. Smatra da kao vijećnik mora dobiti odgovor od nadležnih službi u roku od 30 dana. Kada je u pitanju odgovor koji se

odnosi na projekat centralno šehidsko obilježje, odgovori su dali hronologiju aktivnosti kao i nastavak rješavanja imovinskih odnosa kod dobijanja odobrenja za nastavak gradnje ovog projekta, te se nada da će općinski načelnik u kratkom roku obezbijediti potrebnu dokumentaciju.

Vijećnik Sirotanović Arif prokomentarisao je odgovorna vijećničko pitanje koje se odnosi na aktivnosti na projektu Centralnog šehidskog obilježja te ističe da se ovaj projekat radi već dugo te da trebamo svi bez obzira na političku pripadnost uložiti napore da ovaj projekat završimo, te da se potrebna dokumentacija što prije obezbijedi.

Vijećnik Suljagić Mirzet nije zadovoljan odgovorom koji se odnosi na finansiranje političkih partija, obzirom da njegov politički subjekt nije moguće finansirati i pored donošenja Odluke, jer nije planirano u Budžetu općine Breza za 2018. godinu.

Zatim se prešlo na postavljanje novih vijećničkih pitanja.

Vijećnik Sokić Dževahid uputio je inicijativu da nadležni Organ općine Breza preduzme potrebne mjere te da se odredi dežurna apoteka koja bi radila 24h uključujući vikende i praznike.

Vijećnica Jekalović Amina postavila je pitanje:

„Kad će se postaviti slivne rešetke na lokalnom putu Podžupča-Župča(Menjaci), te rešetke na lokalitetu Sarajevski put-Hase, koje su ukradene prije tridesetak dana.

- Također je pokrenula inicijativu da se urade horizontalna i vertikalna signalizacija na području općine Breza kako na novoizgrađenim tako i na postojećim saobraćajnicama.

Vijećnik Bašić Mirnes postavio je pitanje koje se odnosi na rekonstrukciju lokalnog puta u MZ - Bukovik koji je potpuno uništen u realizaciji projekta vodovoda.

- Drugo pitanje odnosi se na završetak projekta vodosnabdijevanja naselja Bukovik – završna faza.

Vijećnik Bajrić Fetah pokrenuo je dvije inicijative.

- Da se preispita sastav i rad Upravnih odbora Javnih ustanova i preduzeća, te da se iz sastava Upravnih odbora razriješe članovi koji u proteklom periodu nisu dali svoj doprinos u cilju poboljšanja rada javnih ustanova i preduzeća. Ima slučajeva gdje imenovani članovi Upravnih odbora svojim radom nisu unaprijedili rad Ustanove a od strane nadležnih ukazuje im se povjerenje iako u svom radu dobivaju i negativne ocjene na rad, te pored toga dodjeljuje im se i stimulacija.

Postavio je vijećničko pitanje:

- Ko je dao saglasnost za imenovanje člana upravnog odbora iz reda uposlenika Doma zdravlja Breza.

Vijećnica Škrgić Belma postavila je vijećničko pitanje:

- Kad se planira formirati Zdravstveno vijeće Općine Breza i da li su pokrenute procedure i u kojoj fazi je formiranje Zdravstvenog vijeća.

Vijećnik Kadrić Memsud pokrenuo je dvije inicijative.

- Da se ponovo osposobi i vrati u funkciju „Sarajevski put“.
- Da se izrade i postave nove biste narodnim herojima iz II svjetskog rata koje su prije rata bile postavljene u Brezi.

Zatim se pristupilo utvrđivanju dnevnog reda.

Predsjedavajući Općinskog vijeća na prijedlog Općinskog načelnika predlaže da se dnevni red proširi sa tačkama:

Donošenje zaključka kojim se podržavaju aktivnosti Općinskog načelnika u rješavanju problematike FK Rudar Breza.

- Donošenje zaključka o dostavljanje urgencije odnosno upita Vladi ZDK o ne dostavljanu saglasnosti na Prostorni plan Općine Brezdo 2029. godine.

Na glasanja je dat prijedlog da se dnevni red proširi sa predloženim tačkama , te je nakon glasanja konstatovano da je prijedlog za proširenje dnevnog reda usvojen jednoglasno sa 20 glasova ZA , bez protiv i suzdržanih glasova.

Nakon toga jednoglasno sa 20 glasova ZA , bez protiv i suzdržanih glasova usvojen je sljedeći :

D N E V N I R E D

1. Usmena informacija Općinskog načelnika o aktivnostima između dvije sjednice
2. Razmatranje i usvajanje prijedloga Odluke o davanju prethodne saglasnosti na dodjelu koncesija za istraživanje i eksploataciju mineralnih resursa - uglja na području Općine Breza
3. Razmatranje i usvajanje prijedloga izmjena Poslovnika o radu Općinskog vijeća Breza (skraćeni postupak)
4. Razmatranje i usvajanje prijedloga Odluke o dodjeli u zakup poslovne prostorije u stambeno-poslovnoj zgradi zv. "Borac"
5. Razmatranje i usvajanje prijedloga Odluke o utvrđivanju visine naknade za rad upravnih odbora u Javnim ustanovama kojima je osnivač Općina.
6. Razmatranje i usvajanje prijedloga Programa obavljanja komunalnih usluga zajedničke komunalne potrošnje u vremenu od 15.03.2018. do 15.03.2019. godine
7. Razmatranje i usvajanje Zaključka o davanju saglasnosti i podrške na pismo namjere OSCE-a BiH
8. Razmatranje i usvajanje Izvještaja o realizaciji Programa rada Općinskog vijeća za period od 30.06.2017. do 31.12.2017.
9. Razmatranje i usvajanje Plana i programa rada JU Centar za socijalni rad Breza za 2018. godinu.
10. Razmatranje i usvajanje Plana i programa rada JU za predškolsko obrazovanje i vaspitanje „Umihana Čuvidina“ za 2017./2018. godinu
11. Razmatranje i usvajanje Plana i programa rada JU Opća biblioteka „Muhamed Kantardžić“ Breza za 2018. godinu.
12. Razmatranje i usvajanje Zaključka o upućivanju urgencije i upita o razlozima ne uvrštavanja Izmjena i dopuna Prostornog plana Općine Breza za period do 2029. godine, u dnevni red sjednice Vlade i Skupštine ZDK.
13. Razmatranje i donošenje Zaključka o rješavanju problematike u FK Rudar Breza.

Ad.1

Usmena informacija o radu Općinskog načelnika u periodu između dvije sjednice.

Općinski načelnik upoznao je vijećnike da su u periodu između dvije sjednice vođene sljedeće aktivnosti :

Pored redovnih poslova koje su nepohodne za normalan rad Jedinstvenog općinskog organa, vođene su aktivnosti na nastavku realizacije započetih projekata .Također je upriličeno više sastanaka sa federalnim i kantonalnim organima vlasti na rješavanju nastale problematike.

Vijećnik Avdić Edin istakao je da je politička korupcija u Općinskom vijeću sve veća, gdje do izražaja dolaze lični nad društvenim interesima. Ističe, da iz protesta neće postavljati

vijećničke inicijative i pitanja. Podsjetio je Općinskog načelnika da Izvještaj osvom radu dostavi u pismenoj formi , kako je i obećao, a ne da nam govori šta je radio.

Postavio je i vijećničko pitanje koliko je aktivnih tužbi, koliko je završeno, povučeno iz nadležnosti općinskog Pravobranilaštva.

Općinski načelnik je istakao da će tražene izvještaje dostaviti u pismenoj formi.

Sjednicu vijeća napustio vijećnik Babović Anes 17:20sati uz saglasnost predsjedavajućeg.

Ad.2

Razmatranje i usvajanje prijedloga Odluke o davanju prethodne saglasnosti na dodjelu koncesija za istraživanje i eksploataciju mineralnih resursa - uglja na području Općine Breza.

Pomoćnik općinskog načelnika Salih Hasanspahić pojasnio je da se JP Elektroprivreda BiH Sarajevo ZD RMU Breza obratilo zahtjevom nadležnom ministarstvu ZDK za dodjelu koncesije za eksploataciju uglja. Uz zahtjev je priložena Studija o ekonomskoj opravdanosti dodjele koncesije na eksploataciju uglja. Nadležno ministarstvo u postupku dodjele koncesije zatražilo je od Općine Breza donošenje Prethodne saglasnosti. U tom smislu Općinsko vijeće je na prijedlog općinske službe na prethodnoj sjednici utvrdilo Zaključak o provođenju javne rasprave u trajanju od 30 dana. Javna rasprava je provedena u skladu sa navedenim Zaključkom Općinskog vijeća i sačinjen je zapisnik koji je uprilogu predložene odluke. Obzirom da se radi o veoma složenoj tematici, te da je u radu došlo do neslaganja u pogledu eksploatacionih polja i planske dokumentacije predoženo je da se javna rasprava produži za još 30 dana kako bi se na siguran način ova pitanja usaglasila. U produženom roku trajanja javne rasprave Općinski načelnik je imenovao radnu grupu koja je u saradnji sa predstavnicima RMU Breza uz konsultacije sa nadležnim ministarstvom, nadležnim za dodjelu koncesionog ugovora dogovorila da se prije zaključenje koncesionog ugovora sporazumno riješe sva otvorena pitanja između RMU Breza i Općine Breza.

(Uz dopuštenje predsjedavajućeg sjednicu napustio vijećnik Bajrić Fetah u 17.00h)

Vijećnik Avdić Edin istakao je da se radi o veoma važnoj oblasti. Koncesija je pravo koje se prodaje, na temelju kojeg se ostvaruje zarada, koju treba kupiti. Tu zaradu ostvaruje RMU Breza i Elektro privreda a općine Breza od toga nema. Postoje određeni problemi i otvorena pitanja između Općine Breza i RMU Breza.

Koja su to otvorena pitanja i koji je rok rješavanja tih pitanja.

-jedno od tih pitanja je , da li RMU Breza može eksploatirati uglj kao mineralni resurs a da nije riješeno otvoreno pitanje koliko je naplaćeno koncesija u 2017. godini. Pojašnjeno je da do sada nije bilo nikakvih naknada obzirom da nije potpisan koncesioni ugovor.

-koliko ima poljoprivrednog a koliko gradskog građevinskog zemljišta.

Donošenjem Odluke o davanju prethodne saglasnosti za istraživanje i eksploataciju rudnika, otvorili smo put menadžmentu i upravi RMU Breza i Elektroprivredi, za dalju eksploataciju rudnika. Njih prvenstveno interesuje eksploataciono zemljište koje je vlasništvo Općine Breza, a njih za sada ne interesuje koncesiona naknada. Općinsko vijeće mora zaštititi interese Opštine Breza i njenih građana, na način što ćemo na zakonit način tražiti ono što nam pripada i to od 2003. godine. Potrebno je obezbijediti pravovremene istinite i tačne informacije kako bi se donijelo odgovarajuće rješenje za koncesije. Svaki dan smo svjedoci nelegalne eksploatacije mineralnih bogastava naše države , gdje se interesi moćnika stavljaju nad interesima države. Davanje prethodne saglasnosti, daje se mogućnost lokalnim zajednicama da učestvuju u postupku koji se nakon toga dalje nastavlja kako bi se obezbijedile ostale potrebne saglasnosti. Predlaže da se nakon završenog postupka kod viših nivoa vlasti

vijećnicima dostavi konačan tekst Koncesionog ugovora o eksploataciji sirovina na području općine Breza. Također predlaže da se u Programu rada Općinskog vijeća za 2019.godinu planira tačka Informacija o efektima realizacije zaključenog Koncesionog ugovora.

U raspravu se uključio i Općinski načelnik koji je dao dodatna pojašnjenja po pitanju ove problematike.

Učesnika u raspravi više nije bilo te je predsjedavajući općinskog vijeća dao na glasanja Odluke o davanju prethodne saglasnosti na dodjelu koncesija za istraživanje i eksploataciju mineralnih resursa - uglja na području Općine Breza, te je nakon glasanja konstatovano da je ista usvojena sa 18 glasova ZA, bez protiv i suzdržanih glasova.

Nakon usvajanja Odluke vijeću se obratio direktor RMU Breza Ćamil Zaimović, koji se zahvalio vijećnicima na usvojenoj Odluci, te je ukazao na važnost donošenja iste, kako bi se ova oblast uredila u skladu sa zakonom.

(Radu vijeća se priključio vijećnik Bajrić Fetah 18.00 sati)

Ad.3

Razmatranje i usvajanje prijedloga izmjena Poslovnika o radu Općinskog vijeća Breza (skraćeni postupak).

U ime Stručne službe Općinskog vijeća Safet Zahirović je pojasnio da je na sjednici Općinskog vijeća koja je održana 31.01.2018.godine usvojen Zaključak da se pristupi uvođenju savremene tehnologije u dostavljanju materijala za sjednice Općinskog vijeća elektronskim putem, kao i ostala korespondencija sa vijećnicima Općinskog vijeća.

U cilju realizacije Zaključka potrebno je pristupiti izmjeni člana 52. stav 3. Poslovnika o radu Općinskog vijeća Breza koji treba da glasi:

„Vijećnicima i ostalim učesnicima u radu Općinskog vijeća, poziv sa prijedlogom dnevnog reda, odgovarajućim materijalima i zapisnikom sa prethodne sjednice, dostavlja se elektronskim putem.

U izuzetnim slučajevima poziv sa prijedlogom dnevnog reda, odgovarajućim materijalima i zapisnikom sa prethodne sjednice, može se dostaviti i na drugi način, te se predlaže vijećnicima da Odluku o izmjeni Poslovnika o radu Općinskog vijeća Breza usvoji u ponuđenom tekstu.

Nakon datog pojašnjenja bez učesnika u raspravi usvojena je Odluka o izmjeni Poslovnika o radu Općinskog vijeća Breza sa 18 glasova ZA (utrenutku glasanja u sali nije bila prisutna vijećnica Jekalović Amina).

Ad.4

Razmatranje i usvajanje prijedloga Odluke o dodjeli u zakup poslovne prostorije u stambeno-poslovnoj zgradi zv. „Borac“.

Pomoćnik općinskog načelnika Smajila Omerhodžić pojasnila je da se Udruženje pedagoga tjelesnog odgoja i sporta „UPTOS“ iz Breze, pisanim putem obratilo Službi za prostorno uređenje, zaštitu okolice, geodetske i imovinsko-pravne poslove Općine Breza, zahtjevom za dodjelu prostorije u zakup, radi obavljanja djelatnosti udruženja.

U zahtjevu navode da egzistiraju od 2008. godine i da rade veliki broj projekata iz oblasti sporta i iz tih razloga neophodna im je odgovarajuća prostorija, kako bi imali uslove za svoj rad.

Obzirom na djelatnost Udruženja „UPTOS“ Breza i da im je za rad potreban određeni prostor, predlaže se Općinskom vijeću donošenje ove Odluke.

Vijećnik Bajrić Fetah istakao je da je potrebije da se prostor dodijeli za potrebe rada predsjednika MZ Breza, koji takođe nema prostoriju za rad.

G-đa Omerhodžić Smajila pojasnila je da se predstavnici MZ Breza nikada nisu obratili ovoj službi za dodjelu prostorija.

Učesnika u raspravi više nije bilo te je nakon glasanja konstatovano da je Odluka o dodjeli u zakup poslovne prostorije u stambeno-poslovnoj zgradi zv. "Borac", usvojena sa 17 glasova ZA, 1 suzdržanim i 1 glasom protiv.

Potom je uslijedila pauza od 18:10-18:30 h

Ad.5

Razmatranje i usvajanje prijedloga Odluke o utvrđivanju visine naknade za rad upravnih odbora u Javnim ustanovama kojima je osnivač Općina.

Vijećnik Avdić Edin postavio je pitanje zašto se Odlukom nije utvrdila i naknada za članove UO JU Dom zdravlja Breza. Dato je pojašnjenje da je Odluka o određivanju visine naknade za članove UO JU Dom zdravlja Breza donesena 2012. godine.

Vijećnik Bajrić Fetah traži pojašnjenje zašto i po kojim kriterijima su naknade za rad članova upravnih odbora različite.

Vijećnik Sirotanović Arif smatra da bi naknade za članove UO javnih ustanova trebale biti iste.

Vijećnik Buljetović Ćamil pojasnio je da trebamo biti obazrivi prilikom donošenja ove odluke da ne bi izazvali revolt članova upravnih odbora osnovnih i srednjih škola čiji rad u upravnim odborima nije plaćen. Predlaže da se uputi dopis i pokrene procedura pred kantonalnim organima koji su osnivači ovih ustanova.

Vijećnik Salčinović Fikret slaže se da se pokrene postupak kod nadležnih kantonalnih organa da se rad u upravnim odborima osnovnih i srednjih škola plati.

Vijećnik Sokić Dževahid postavio je pitanje kolika je naknada za članove UO JU Dom zdravlja Breza.

Predsjedavajući Općinskog vijeća pojasnio je da je Odluka o visini naknade za članove Upravnog odbora JU Dom zdravlja Breza usvojena 2012. godine po kojoj je za predsjednika određena visina naknade u iznosu od 200 KM a za članove 150 KM.

Predlaže da visina naknade za sve članove Upravnih odbora bude ista.

Uslijedila je pauza od 18:20-18:30 radi usaglašavanja stavova.

Nakon pauze predsjedavajući Općinskog vijeća upoznao je vijećnike sa prijedlozima koje su predložili predsjednici klubova nakon usaglašavanja, a predložili su da se pokrene inicijativa o usaglašavanju naknade za rad Upravnog odbora JU Dom zdravlja Breza sa naknadama ostalih JU. Zatim se pristupilo glasanju:

- Prijedlog da naknada za rad predsjednika Upravnih odbora iznosi 100 KM, a za članove 80 KM, u svim ustanovama u kojim je osnivač Općina Breza.

Nakon provedenog postupka glasanja konstatovano je da prijedlog nije dobio potrebnu većinu (9 vijećnika je glasalo ZA prijedlog)

- Zatim se glasalo za prijedlog gdje je za predsjednika predložen naknade od 150 KM, za članove 100 KM.

Nakon glasanja konstatovano je da ni ovaj prijedlog nije dobio potrebnu većinu (9 vijećnika je glasalo ZA).

Nakon toga pristupilo se glasanju za prijedlog odluke dostavljen u materijalima gdje se: Za rad Upravnog odbora JU Centar za socijalni rad Breza za predsjednika predlaže iznos od 150 KM a za članove 100KM.

Za rad Upravnog odbora JU za predškolsko obrazovanje i vaspitanje Umihana Čuvidina i JU Opću biblioteku Muhamed Kantardžić Breza, za rad predsjednika predlaže iznos od 100 KM a za članove iznos od 80 KM.

Nakon provedenog postupka glasanja konstatovano je da prijedlog odluke nije usvojen (9 vijećnika je bilo ZA prijedlog)

Ad.6

Razmatranje i usvajanje prijedloga Programa obavljanja komunalnih usluga zajedničke komunalne potrošnje u vremenu od 15.03.2018. do 15.03.2019. godine.

Vijećnik Sokić Dževahid izrazio je zadovoljstvo što je njegov prijedlog za održavanje dionice puta u naselju Kahve uvršten u Program, te treba nastojati da se usvojeni program i realizuje.

Učesnika u raspravu nije bilo te je nakon provedenog postupka glasanja konstatovano da je Programa obavljanja komunalnih usluga zajedničke komunalne potrošnje u vremenu od 15.03.2018. do 15.03.2019. godine usvojen jednoglasno sa 19 glasova ZA, bez protiv i suzdržanih glasova.

Ad.7

Razmatranje i usvajanje Zaključka o davanju saglasnosti i podrške na pismo namjere OSCE-a BiH.

Predsjedavajući Općinskog vijeća pojasnio je da je 05.02.2018. godine Misija OSCE u BiH uputila je dopisu cilju praćenja sjednice Općinskog vijeća Breza kao i saradnji sa službenicima općine u borbi protiv korupcije sa posebnim osvrtom na praćenje u oblasti javnih finansija-budžeta.

Na sastanku koji je upriličen u Općini Breza na kojem su bili prisutni predsjedavajući Općinskog vijeća, Općinski načelnik i predstavnik OSCE u BiH, dogovoreno je da se podržavaju aktivnost Misije OSCE u BiH. Kako bi se pristupilo dogovorenim aktivnostima neophodna je saglasnost i podrška Općinskog vijeća te se predlaže Općinskom vijeću da predloženi zaključak usvoji.

Vijeću se obratio i predstavnik OSCE Misije Daut Bajramović, koji je vijećnike upoznao o aktivnostima organizacije istakavši da je općina Breza na osnovu određenih pokazatelja ušla u projekat 20 općina u BiH, gdje će Misija pratiti rad Općinskih vijeća te dati svoju pomoć i doprinos u poboljšanju rada Općinskog vijeća i borbi protiv korupcije u jedinicama lokalne samouprave.

Vijećnik Avdić Edin uzeo je učešće u raspravi te je istakao da bi trebalo donijeti zaključak kojim bi se prioritet dao javnom interesu i interesu građana a ne ličnom interesu.

Nakon toga jednoglasno sa 19 glasova ZA, bez protiv i suzdržanih glasova usvojen je Zaključak o davanju saglasnosti i podrške na pismo namjere OSCE-a BiH.

Ad.8

Razmatranje i usvajanje Izvještaja o realizaciji Programa rada Općinskog vijeća za period od 30.06.2017. do 31.12.2017. godine.

Vijećnik Avdić Edin zatražio je da se prikazana postavljena vijećnička pitanja dopišu i vijećnička pitanja koja je on postavio na jedanaestoj redovnoj sjednici, 25.10.2017.godine koja su izostavljena a odnose se na:

- Zašto imamo redukciju vode i šta je uzrok?
- Da li je JKP spremno za zimsko održavanje puteva?

Pokrenuo je inicijativu za pokretanje procedure i donošenje podzakonskih akata kojim bi se omogućilo osiguranim licima naplata troškova prevoza za liječenje u kantonalnim centrima u skladu sa Zakonom o zdravstvenom osiguranju.

Nakon toga usvojen je Izvještaj o realizaciji Programa rada Općinskog vijeća za period od 30.06.2017. do 31.12.2017. sa 18 glasova ZA i 1 glasom protiv.

Usljedila je pauza od 19:00-19:25 h

Ad.9

Razmatranje i usvajanje Plana i programa rada JU Centar za socijalni rad Breza za 2018. godinu.

Direktor JU Centar za sociojalni rad Breza Salkić Osman dao je određena pojašnjenja po pitanju podnešenog Programa rada ove JU za 2018. godinu, te je istakao da je akcenat dat na humanitarni rad kako bi se pomoglo ugroženim kategorijama stanovništva. Ovaj rad se ogleda u obezbjeđivanju prehrambenih paketa i drugih potrebitina. I u narednom periodu dalje će se intenzivirati aktivnosti na humanitarnom radu od strane Centra za socijalni rad Breza.

Vijećnik Kadrić Memsud istakao je da je ovaj program isti kao i prethodni programi te je postavio pitanje šta je Centar za socijalni rad uradio da bi nekom pomogao da nije u stanju socijalne potrebe i više nije korisnik Centra za socijalni rad.

Vijećnik Avdić Edin pitao je, šta Centar planira uraditi i šta su mu prioriteti. Istakao je da Program nije usklađen sa finansijskim planom. Zatim je pitao koje stručne djelatnosti Centar mora obavljati u svom radu i koje trenutno ima i koje mu nedostaju. Na osnovu kojih parametara se radi sistematizacija radnih mjesta. Konstatovao je da Centar za socijalni rad ima višak zaposlenika i to struke koja nije potrebna a da ima potrebe da zaposli stručni kadar koji jeneophodan za rad ustanove. Krivično je djelo dijeliti platu nekome ko nije pokriven sistematizacijom radnih mjesta.

Direktor Centra za socijalni rad Salkić Osman pojasnio je da njegovim dolaskom u ovu ustanovu nije primljen ni jedan zaposlenik.

Sistematizacija radnih mjesta se radi na osnovu potreba centra na osnovu Zakona o socijalnoj zaštiti. Također je istakao da u buduće planira poboljšati uslove rada u centru, kako u pogledu informatičkeopreme, tako i radi sigurnosti službenika centra i obezbjeđivanju sigurnosnih tastera za uzbunu, obzirom da se radio riskantnim poslovima. Planirase obezbijediti i kontejner za odjeću, gdje će građani moćiodložiti nepotrebnu odjeću i koja će se usmjeriti onima kojima je potrebna.

Učesnika u raspravi više nije bilo te ja nakon glasanja konstatovano da je Plan i program rada JU Centar za socijalni rad Breza za 2018. godinu usvojen jednoglasno sa 17 glasova ZA, bez protiv i suzdržanih glasova.

Ad. 10

Razmatranje i usvajanje Plana i programa rada JU za predškolsko obrazovanje i vaspitanje „Umihana Čuvidina“ za 2017./2018. godinu.

Direktor JU za predškolsko obrazovanje i vaspitanje „Umihana Čuvidina“ Mušić Amina upoznala je vijećnike o planu i programu rada ove ustanove. Istakla da trenutno u ustanovi boravi 87 djece.

Vijećnik Avdić Edin postavio je sljedeća pitanje: šta će poboljšati rad ove ustanove, da li ustanova ima protivpožarnu zaštitu, da li ima video nazor, klima uređaje i rasvjetu. Da li je program usklađen sa finansijskim programom. Da li postoje pokazatelji i prati li se rad i uspjeh djece nakon polaska u osnovnu školu i dalje.

Vijećnik Kadrić Memsud postavio je pitanje da li ustanova ima uslove za djecu sa posebnim potrebama. Ima li potrebe za radom logopeda.

Direktorica je odgovorila na postavljena pitanja te je nakon toga Plan i program rada JU za predškolsko obrazovanje i vaspitanje „Umihana Čuvidina“ za 2017./2018. godinu usvojen jednoglasno sa 17 glasova ZA, bez protiv i suzdržanih glasova.

Ad. 11

Razmatranje i usvajanje Plana i programa rada JU Opća biblioteka „Muhamed Kantardžić“ Breza za 2018. godinu.

Direktor JU Muhamed Kantardžić Breza Indira Lukačević upoznala je vijećnike o Programu ove javne ustanove.

Akcentat je dat na povećanje broja članova Biblioteke, nabavka knjiga uskladu sa potrebama Biblioteke i praćenje tekuće izdavačke produkcije, primjena informacionih tehnologija u radu, organizovanje kulturno-obrazovnih programa. Posebna pažnja će se obratiti na obrazovanju i stručnosti uposlenika, praćenje i usmjeravanje rada pripravnika kao i popularizaciji i promociji knjiga i unapređenju čitalačkih navika.

Nakon datih pojašnjenja jednoglasno sa 17 glasova ZA, bez protiv i suzdržanih glasova usvojen je Plan i program rada JU Opća biblioteka „Muhamed Kantardžić“ Breza za 2018. godinu.

Ad. 12

Razmatranje i usvajanje Zaključka o upućivanju urgencije i upita o razlozima neuvrštavanja Izmjena i dopuna Prostornog plana Općine Breza za period do 2029. godine, u dnevni red sjednice Vlade i Skupštine ZDK.

U dostavljenoj Informaciji Općinski načelnik upoznao je vijećnike da je početkom 10. mjeseca 2017. godine u proceduru Skupštini Zeničko-dobojskog kantona putem Ministarstva prostornog uređenja, prometa i komunikacija i zaštite okoliša Zeničko-dobojskog kantona na davanje saglasnosti dostavljena Odluka o usvajanju Izmjena i dopuna Prostornog plana Općine Breza za period do 2029. godine. Međutim do danas tačka se nije našla na dnevnom redu Vlade i Skupštine ZDK, te predlaže Općinskom vijeću donošenje zaključka kojim će se uputiti urgencija i upit o razlozima ne uvrštavanja ove tačke na dnevni red.

Vijećnik Avdić Edin postavio je pitanje šta za Općinu Breza znači nedavanje saglasnosti na predloženi plan.

Pomoćnik općinskog načelnika Smajila Omerhodžić pojasnila je da dolazi do zaustavljanja privrednog razvoja općine Breza a koji se ogleda kroz legalizaciju objekata, donošenje regulacionih planova, izgradnja resort naselja i poslovnih zona i dr.

Učesnika u raspravi više nije bilo te je predsjedavajući Općinskog vijeća predložio sljedeći:

ZAKLJUČAK

I

DA SE VLADI ZENIČKO-DOBOJSKOG KANTONA uputi urgencija i upit o razlozima neuvrštavanja Zahtjeva za davanje saglasnosti na Odluku o usvajanju Izmjena i dopuna Prostornog plana Općine Breza za period do 2029. godine („Sl glasnik Općine Breza broj:07/17“) sa pratećim mišljenjima nadležnih kantonalnih ministarstva na dnevni red sjednice Vlade ZDK, radi razmatranja i upućivanja u Skupštinu ZDK.

Nakon provedenog postupka glasanja konstatovano je da je Zaključak usvojen jednoglasno sa 17 glasova ZA, bez protiv i suzdržanih glasova.

Ad. 13

Razmatranje i donošenje Zaključka o rješavanju problematike u FK Rudar Breza.

Predsjedavajući Općinskog vijeća je upoznao vijećnike o problematiki i stanju sportskih klubova na području općine Breza a posebno finansijskom stanju u FK Rudar iz Breze. Predlaže da Općinsko vijeće donese zaključak kojim se Općinskom načelniku daje podrška u u vođenju aktivnosti za prevazilaženje postojećih problema u F.K. Rudar iz Breze.

ZAKLJUČAK**I**

DAJE SE PODRŠKA Općinskom načelniku u vođenju aktivnosti za prevazilaženje postojećih problema u F.K. Rudar iz Breze.

Ovim je iscrpljen dnevni redpetnaeste redovne sjednice Općinskog vijeća Breza, koja je sa radom završila u 20.30 sati.

Sastavni dio ovog zapisnika čini i tonski zapis sjednice.

ZAPISNIK SAČINILA
Zakira Smailbegović
Kadrić Memsud

ZAMJENIK PREDSEDAVAJUĆEG
Općinskog vijeća